

程

七十二峯足徵集卷十四上

武峯吳定璋友篁菟錄
林屋蔡書升竹坪編訂

蔡羽

羽字九達生具穎資母吳夫人叅政天樂公之女
學通經史九達方五歲口授以毛詩文選即記誦
不遺十歲學為詩歌詞意警拔如老成人少長邃
于易學為文法先秦兩漢其制義矩矱吳王每一
篇出人爭傳為程式乃試於有司者閱四十年不

售其生徒多登仕籍嘉靖甲午以歲貢赴選天官
卿知其名曰此吾少日所聞易蔡生耶薦授南京
翰林院孔目居三年致仕歸卒於家錢虞山云九
達早歲為詩微尚纖縟既而滌除靡曼一歸雅馴
晚更沉着時出奇麗見者謂雖長吉不過則大悔
恨曰吾詩求出魏晉今乃為李賀耶其高自位置
不肯屈抑如此自號林屋山人又稱左虛子所著
有林屋南館二集

采薇三章

采薇南山下忽憶千里人豈無臨岐言一別今幾
春舊交容易新新交容易親緘書重復啟曲折情
難陳勿陳逢彼怒人心不逮故願言秉子德千秋
愛貞素
采薇北山巔遊子日已久不見的顛高終辰抱箕
箒隴水何年分白石何年朽嗟嗟紅顏子誰與共
皓首皓首疇昔期人心不可知天地苟無變片言
至死持
采采中阿薇終日不成束越鄉無的音日暮亂心

曲飢烏啼我傍忽復止渠屋延佇惡晝長夢見惡
夜促夢見猶平生人言詎可憑去服一何馨受言
藏新滕

從軍三章

四牡何駢駢小戎花間出良人執弓矢不能顧家
室楊園葉未黃是君發家日借問幾時歸長條易
蕭瑟公孫好功名王事何時畢

青羗與白狄春戰常連秋黃雲失紫塞烽火暗隴
頭一日如三月三月其奈愁鴻雁日南飛明月日

西流清光不可附帛書安可求

自君之出矣心亂首局曲不聞莎鷄散忽又過秋
菊織得數行書無由寄板屋十月露王師誰着鐵
衣宿迢迢玉門關不能送雙目

浣紗女

浣紗復浣紗紗水清見底水中芙蓉花常與妾為
比妾顏比花丹妾心比水寒風吹沙中浪花落霜
漫漫羅帶雙鴛鴦結束玉臂單一心為寒衣行坐
忘艱難

華燈花初生

華燈花初生堂上酒新綠擊刀連環鳴轉柱悲絲
促芙蓉開夜屏鴛鴦宿空殼携手千里人話言常
不足

人日

人日春已深草甲未萌動吏舍人跡稀遙鐘遞相
送炊釜潮溝水汲抱轆轤甕市趨午昏昏樵陟崖
洞洞陰陽若相逾東風不解凍農舖在春田十室
嗟九空張燕勿矜豪裸赤云頗衆婦嗟正月霜夫

征怨孫仲青羗為國讐豈適平陳宋炎涼不相謀
聞之但悲痛陰坑幾百尺前徒斲回鞞稍待朝曦
和卧聽時禽弄

講讀廳有感

當年開集賢非遠典章寄雖資勝國遺亦拔山林
萃時叨雲臺議或較虎觀異流傳栢梁和奏草玉
堂記含毫陸賈登待問枚馬至遭逢一時會千載
良不易新都開天極文昌照幽冀玉館韻故規瓊
郎寄名位頗念講署槐曾連衆仙歧南北俱神京

今古同勝事毋令仗筆兒
踰我瀛洲地晨趨歷蒼
階遺編識中秘不聞金
閨宣徒懷彤管志

金陵寓樓有懷

三首

今夜天正寒機杼聲不絕
辛勤錦中字猶訴當年
別哀鴻附冥漢潛頽泣
元穴撫物情不平履霜
心屢折杪歲客不還空
然衣百結如何箕斗間
三星轉明滅

皓魄盈中天松桂俱含淒
江神弄水碧海岸啼天
鷄絃促黃金屋妾怨白
玉閨虞卿已失趙寧戚
猶

戀齊朝驅畏太行夕鞿憂
盤溪豈為一囊粟與世
聊滑稽

賦命難努力貧賤非空疎
朝為梓人櫟夕作周廟
璵朱顏朗高岫黃髮日
曳裾出處雖由天工拙
取自予菊松老荒徑鷄犬
守舊墟莫信關門人臨
去猶著書

思田園

五首

南方樹藝早嘉蔬當及時
王官鑿冰罷忽起田園
思東郊織臺笠西郭編
茅茨田家不辛苦衣食
當

待誰曳裾京華塵徒自憶四支三江綠烟起何日
佇杖藜

園田二三月不盡花枝烟青村對鳴鳩茅屋下寒
泉蒸茶復刈麥俱及穀雨前盈盈斯螽股采采柔
桑錢巖居遠朝列雲卧隔市廛邇來多行役裘敝
不得旋

旅徒何囂囂頻年棄墳墓秋邁望春歸冬盡悲秋
度三見王官麥長吟白亭樹青青巖上條已蔽巖
前路俵俵東遊子何時復西顧秋霜落明鏡朱顏

不逮故
卮酒臨高閣日暮多風塵仰見吳門月不見吳門
人他鄉促新節異俗為相親飛鳥戀故園遊魚知
舊津悠悠長途子不愧羽與鱗西風觸琴瑟絃急
多悲辛

青青瓊樹枝歲晚今幾叢轉轉孤生蓬託根霜與
風元冬畏羈旅行者憂路窮兩情難強言對面味
不同履此節序改念我桑梓中言旋逮未冰焉可
候春鴻

秋日山中

蒼山抱江長秋氣日夕清古閣浮空濛猿嘯陰風
生石房俱玲瓏出入烟霧輕花從潭心發松向琴
中鳴林閑樂遊苑日落白下城有約暮不來眺望
傷我情

閒居

言征南山阿顧念北山麓南山可采蘭北山有綠
竹鷓鴣既和鳴佳氣復郁郁斗酒勿愆期美人溫
如玉朝遊夕告歸風光一何促良會難具言與子

坐明燭

顧盼屬曾阿蘭林亦頽頽柔桑方遠揚芳草忽已
歇驅車問東川川長不能涉冥寂山林路朝市何
曠絕渺渺四牡塵杳杳鑾輅音音塵難想像日暮
愁予心

初見蓮葉圓又逢荷芰香花開望美人花落天轉
長蕪葭歛夕暉野亭餘晚芳燭滅青螢流月出白
羽涼佳期多契濶良會生悽愴屬酒不能飲迴風
牽素裳

燃燭復陳絲
玄夜何耿耿
夜玄曲復長
座上生悲梗
轉聽蟋蟀興
起盼河漢冷
萬物更代謝
四運電流景
素女虛懷春
烈士嗟滌井
握手不見知
勿訝高堂迥

入踐墟井深
出畏霜露薄
北風迴璿臺
衆籟生哀壑
慄慄寒士悵
英英雪交落
耕田不謀富
卜隣莫相託
豈慕踰垣高
恒慮出門錯
出門一何遲
冬陰待朝曝

放舟城隅遂適西山

朝程發東隅
秋思結西麓
親密示欸期
伸望未能速
微橈沂蘭沚
肩輿卧林木
履巖多峭奔
踰嶺曠平陸
卑谷興陰霞
高花散微燠
連嶠鹿方車
對戶鳥分竹
夕即予誠懽
謀歸生煩懊
契遠獲真境
寡愛形不戮

雪後南泛宿潘氏

黃蘆蕭蕭寒
草短日光白
有客弄烟綺
獨掛滄江席
起披楞伽雪
忽見茶磨脊
蓬萊白銀宮
宛轉在几格
天華動物表
霽色澄川陌
鶴立千年松
練掛

一片石古厓屏風青水壺金鯉赤鷄鳴楓樹林馬
度梅花驛茫茫五湖間未見范蠡宅悲歌對尊酒
浮生苦行役

贈華子中甫

愛我岩下雲且避秋陽赤潭空天鏡寒風過蕙光
碧松竹長遮天相逢但掛幘山曛猿欲啼為子掃
片石

吳東礪品悟道泉

青霞翳沓嶂綠竹迷重關豈知天竅靈千古封潺

湲取供學佛人一飲通聖頑吳公吾舅氏心與泉
石閒品水得方法勝事傳人間白鹿一朝去妙韻
不可攀至今蒼巖下屐齒生苔斑松杉揜寒礪唯
有雲月還阿戎亦佳士吟咏興不慳欲覓舊茶竈
同子卧東山

秋泉

予愛秋泉清况傍岩花滴魚遊日光中倒見潭上
壁安得無機人同坐相浣滌白朮朝露香紫芝秋
霞熟石上瓊瑤花采來不盈掬道人閉石門悠然

在深竹

江上晚來山

江上晚來山宛似五湖綠我行霜尚繁已聽鶯出
谷三歲桃李花天涯一何促非乏筮篋散不解秦
人曲長裾畏風塵握粟厭童僕携手會稽雲扁舟
未為速

朝陽

夜戶集虫聲朝曦布林影登高伐叢漆乘涼出墟
井雲端開丹笈松下冪金鼎寒士無相猜熱客不

吾省遐宇流絕輝千巖結晝暝緩頰松綺閒無心
念朝請

秋日

偃息踰歲時登高感搖落車來不除棘鳥鳴自巢
閣形迹不見妨漁樵隱相托顧念蓬何生終俾石
為錯虛心日無怒物至自成樂懸梯覓霞構乘涼
陟蘭薄宛轉思公子溥溥桂方灼

遊子

欲陳君未喻柰此繞樹烏天涼白日匿霜落黃草

枯哀商座中激急切傾名都呂望未遑周百里長
處虞草草羈旅間空自懷區區捫蝨上東門未敢
論賢愚

錢孔周席上話文衡山王履吉金元賓

契濶多憂思歡然集桑梓執手話離別別離何年
始校書石渠閣反顧若脫屣繫馬親昵門合尊城
東里欵曲輸素懷次第問髮齒錦瑟未及彈怨歌
中觴起怨歌何所陳怨此夢寐人出門即天涯慌
惚難相親

徙幕府同仲先

府邸開平臺松軒轉萋綠四術多朱光閒房靜相
屬余業倏朝依子懷喜夕篤深居若無人閱暑不
知酷晚葵敷餘霞新蓮摘青玉風清客襟開月來
琴柱促寂寂方丈間超然出塵俗長令形迹忘奚
用事溪谷

別甘泉老先生

皎皎萬古月寶景無盈虧不掃青天霾晦盲將待
誰天人豈二心名教自昔垂我公挺完秀崛起持

網維憫世方惻惻錫類恒熹熹物我本一同同歸
復何疑戚戚復欣欣春至草木知彼衆嗟已惑詆
毀庸何為蕩蕩光明途反背求捷歧粲粲甫田穀
顧矜稗利飢甕底醯鷄天嗤笑鷓鸞卑天啟誰能
廢水歸非力追嗟予放失久日暮返顧遲宮墻一
何高宗廟未易窺南山有墓田跪陳離別辭道駕
諭南指歲月雲嶠期

寶劍歌

寶劍在匣光不滅銀花皎皎繡成雪有時長鳴思

飲血逾千年兮刃不缺五霸更盟七雄裂功名從
前不可說娥媚尊前借一刷醉中嗚嗚口堪呖揮
落動日月殺價傾名都龍額豹尾黃金塗精飛淚
泣照珊瑚秋霜未落寒影寂神鍔一奮壯士呼抹
流電瞬離朱星光九點湛明珠左提右挈誰與俱
騰江湖紫牛斗行逢漢天子千載一驥首銜靈覲
龍光上賜紫絲綬穿青雲兮入九重頓挫乃在萬
乘手際遇亮匪易酬恩報主身何有戮鯨鯢兮跨
八極揮指胡粵妖祲息崇平洛晏野無棘尉陀綏

綏單于折翼萬乘高拱永無慝歸來奏未央功成
不受職願令四海常晏清清廟丹書勒功德

長門歌

夜何長兮日何短月過秋兮恒不滿車麟麟兮西
復東耿余心兮誰致歎金屋兮餘輝象牀兮故衣
非朱顏之易凋柰君志兮早遠啟羅幃兮鬱子香
倘夢寐之來歸彼金石兮能通何迢迢於帝扉

龍江歌

江蓮影落空寒碧江雲掩冉江邊驛對浴沙中鷺

鷺白飛來菱葉蜻蜓赤龍江八月潮正高我看潮
生坐江石石城官柳猶青青春來秋去何時停酒
邊山色朝朝綠愁中羌笛難為聽星亂落霜如雪
明河猶掛黃金闕起來彈劒歌一闋懷佳人兮隔
洞庭桂子芳兮吾渡浙白雲紅葉相滅明長江秋
霧連東溟座上偏多離別藪

尊中有明月歌

尊中有明月琴上有素絃美人能彈客能飲玉壺
正傍花枝邊皓齒對嬋娟清輝相共憐紅顏笑桃

李獨立無比妍月不常圓花易落蛾眉却怕秋霜
薄良會難須行樂為君高歌勸君酌酌未終歌轉
哀金壺銀箭急相催春光今夕爭時刻傾盡車渠
三百杯

相思行

相逢何日短相別何日長夢見不得親恍惚生淒
涼香囊舊綰同心結玉匣曾留明月璫明月照繡
房香囊繫肘後當時長生酒年年同君壽天地本
無變人心不逮舊秋風吹落瓊瑤花錦衾歲歲遺

天涯寄書日費三青鳥候望虛乘白鼻騮金鋪夜
夜鳴彩雲朝朝起忽上南山顛還憑北窻几瀟湘
雖渺茫只隔一江水東園連理木同枯復同綠西
園比翼鳥同飛復同宿同飛同宿物長情却怪人
生離別輕黃金不為難口血豈容易鬼神聞子言
金石知我意為子寤寐求白首勿相棄相思如環
無盡頭進君萱草暫忘憂恩怨難明得自由

採桑篇

朝採桑夕採桑長安春盡烟草長釵頭網虫結鳳

皇朝來暮去不滿筐不滿筐多縈牽誤折合歡枝
青青雙可憐踟躕未能去黃鳥鳴枝巔鳥鳴轉悽
惻玉腕雙無力紅塵綠纈暗天涯舉頭日暮空太
息本擬春蚕繭成疋縫衣寄與隴頭客綠錢遶樹
無心採暗滴臙脂浣裙碧浣裙碧臙脂銷愁心欲
寄路轉遙蒼苔晚來濕羅襪東風暗損羅敷嬌嬌
易損恨難酬千絲萬纈徒綢繆夫君若識金閨意
不使佳人空白頭

蛺蝶篇

西園蝶叢叢映花葉十五佳人二八妾鴛鴦帶長
芳草貼妾面如花步輕捷粉蝶紛紛上眉頰長安
踏青天氣和千叢萬叢情緒多蹴得遊絲落釵翠
牽來草露沾衣羅游絲亂草露長美人欲行空斷
腸綠潭紫礪迴花房銀錢瑣碎雜柘黃飛入桃李
花落地亦成香花落留臙脂蝶香無斷時相邀入
羅扇起舞頻蛾眉蛾眉轉低草轉碧日暮江天欲
何適梁園應有未歸人章臺豈少思家客思家未
歸春已殘悠悠蛺蝶空合歡芳草年年成永嘆

郭索篇

江稻初黃五湖白鱸魚作風霜滿天吳淞江頭晚
潮落郭索公子來翩翩戈矛森森螯足軒背負元
甲能橫牽吳人啖之不論錢瓊膏玉髓宜烹煎香
橙作羹尊作羹橫斜錦席相勾連金筐未啟先垂
涎象箸急象臍峰堅玉壺相映傾紅蓮山人綠髮
俱垂肩湖鄉無事茅屋暖今歲仍逢大有年杖頭
縣得看花錢醉後橫眠桑柘田郭索郭索與爾長
相結每舉一斗贈爾風騷篇

婬好曲

班姬著搗素漢女無比才容華冠後宮花月還羞
猜君寵重妾心疑恩中隱怨不可知陽阿一旦進
美人構嫌造詛生分離舊花落新花開昭陽歌舞
弦如雷龍顏夜醉晝不回西宮寂寂封青苔莫怨
團扇影秋風不憐故物總悽涼霜侵玉階樹唯
有窈窕篇千秋照貞素

蟋蟀篇

露蟬盡抱枝頭枯黃葉已逐秋風去空山夜靜深

閉門何事啾啾達霜曙候蟲變時序更江湖催促
遊子情戶之樞牀之足愁人不寐起秉燭十月未
授衣九月未築場歲寒始怪農家忙嘻嘻夏屋爾
何為欲祭先農無酒漿一粒須辛苦萬鍾戒怠荒
聽我蟋蟀歌瞿瞿無太康

鞦韆怨

丹楯朱干傍花砌青絲流蘇兩頭繫蒲萄結束相
思帶玉釵雙挽盤龍髻對對來尋花下繩雙雙去
作雲間戲難銷寂寂玉樓情可惜青青芳草地玉

樓易斷腸芳草令心亂空上秋千架春愁未曾斷

陰山風高

陰山風高馬毛縮沙場草枯無首藉單于射雪蒙
縵胡穹廬夜炙熊羆肉樓煩將軍來欸邊雲中萬
騎俱爭光漢家飛將鋌槊銛斬得月氏頭血鮮陣
雲蒼蒼暗紫塞長城殺氣連狼烟朔方孤兒不畏
死死中求生報天子髑髏如柴身捷輕瀚海北去
屠龍城歸來不愛黃金印但愛麒麟閣上名

覆舟山臨望

覆舟山頭霽景明長松落落崖石平迴巒秀嶺低
復昂傳聞此地為臺城南望建章宮佳氣何鬱葱
秦淮樹中流遙與宮門通城中萬井如碁畫楊柳
烟中分紫陌內園蘭桂浮温香戚里池臺蕩朱碧
鳳凰樓閣無處尋臨春結綺作梵林樽前却是樂
遊苑市朝更改成古今登臨易頭白啣盃落紅日
迴望北湖烟蟬鳴樹蕭瑟秋波慘淡荷芰花玉鳧
錦鷄踏浪霞西曹已鳴馬東署復報衙冥冥壺底
月寂寂城頭鴉停琴送盡飛鴻影引領天邊不見

家

桑乾河

桑乾八月寒胡中射生早彎弧決封牛群氏醉眠
草白登山頭熊夜啾胡人火獵無時休并州小兒
慣廝殺夜半竊得丁零頭左手接飛鳶右手挾雙
矛馬上吹胡笳揚鞭入朔 嫖姚帳前交首級但
問幾級能封侯吁嗟死士在邊不用憂

東昌郡光嶽樓

博州城高日未落城中巍巍千尺閣南瞰黃河北

七十二峯

西山

卷十四上

眺燕百川羅絡臨中原風烟頃刻生杯酒登臨令
我心茫然手中雌雄劍隨行二千里踟躕古今事
欲舞客不喜秦雲忽然低岱宗參差起平望箕斗
間好與牽牛語魯連下聊城千秋仰名義高臺尚
青青未識射書地鄆州節度何不臣銀槍效節空
危身聖明一統無戰爭綠河輓粟舟鱗鱗滅門不
用玄甲守河邊古戍花萋萋馬馳匝匝嘶入雲鳥
穿簾箔啼向人芙蓉屏開宿翡翠沉香火底薰麒
麟昇平自古變繁華青樓大道歌教新臨觴欲飲

天色晚層闌佇立傷吾神

虎山橋

初出山腹中復見水行處透遲得平墟蒼茫急回
顧山梁不為高延攬自成趣風條薄林翠珍木接
葉香前葩未及瘁後萼重競芳朝遊屢過生霞石
夜宿曾投松柏房從來不識銅坑面今日青青落
吾掌上崦何明媚下崦亦清朗楊花飛飛青錦陂
荇葉差差木蘭槩前帆滅後榜興長川引領雲憑
憑游絲起暖氣昏須臾不見西華村東風吹亂鷗

鴻群水西顏色何紛紛繫馬荒祠忘夕曛

花村草堂歌寄李子原承

新河渺渺楓橋浦百花叢中有香土書生卜館面
西山十里青溪抱東戶青溪抱東戶水鳥群無數
前朝勝景開華洲今代書聲續芳杜南峰高北峰
俯日日飛雲罨窓廡上沙水下沙水翠波粼粼織
成組我昔投宿堂背樓前村夜過清明雨千巖發
彩流朝霞茂苑騰光盪碧宇櫻筍烟籠文藻軒鳩
鵲岸送樓船鼓飛梁畫檻盤彩虹菡萏湖邊女搖

艣宵長忽遞寒山鐘月昃猶揮石床塵十年不上
李子堂金陵城邊話江滸徒令風景形夢寐何由
復作花前舞題詩先寄花村主

贈沈博士春波

涼風颼颼初落木休文乘秋入林屋看月同登蔣
濟樓採藥遙尋子真谷余家柴門宿荒草竹下開
窓通白鳥秋眠推枕日高春時撫闌干坐木杪沈
君過我不厭寒問我著書完未完寫經欲就松間
露探老猶疑甕底丹君言山高水長重複重應有

奇物生其中文章渾厚得元氣千古不朽必此翁
多君愛我謬見推顧我不足為君知角皓曾煩漢
廷詔劉根枉致人間疑坐君且對橋邊酒來日山
中九月九白雲本是予家物青芝匝地非君有送
君乘風返不見書畫船但見虹霓貫牛斗

越來溪

越來溪光常浥浥遠接吳江混寒碧暝鐘未起秋
霞飛坐眺無如茶磨石越來溪上多遊人香車寶
轡俱生塵桃花妬紅芳草綠三月來尋曲江曲春

花秋月無盡頭朝來暮往何時休吳臺越館今何
在蒼烟碧石俱含愁我來八月露氣涼常從雲端
開竹房溪山一卧便十日形骸爾我渾相忘沙明
鳥白柰不得况是長橋菰米香

姑蘇臺

夜有吳題月朝有出棟雲高臺佇歌舞羅綺何紛
紛吳月常從越山起越花却種吳宮裡眼前不盡
西子歡安用窮觀三百里興亡不自由春草生銅
溝惟有橫山色空帶蛾眉羞香魂想像朝雲廟綠

泥繡斷金燕頭朝雲滅金雁冷夕陽滿地青楓影
樂遊苑

春河流春草生昔人歌舞今人耕鍾山紫氣日夕
來金城十里飛華英水近溫泉殿園香貫赤縣樹
染北湖烟寒碧浮山川瑤池正在鳧雁中阿房閣
道生青楓尚留一水折田間曲江想像無花紅拾
得古釵頭田夫不能識豈知石上斑元是鉛華色
臨春寂寞香霧收景陽月色空生愁金陵王氣無
消歌丹陽翻作神皇州市朝多改易輦道生荆棘

瞻望青雲中勾陳連太極野雉麥上飛鴛鴦出蒲
間蓬生狹斜中日暮車不還車不還其奈何西園
遊子傷心多

清涼臺

清涼寺裡清涼臺交巖互磴青崔嵬楊子江邊白
鷺洲白雲紅葉長悠悠都門蓮已落蟬殼滿城郭
躋眺丹霞端乾坤忽開拓霸陵黃屋翔青雲鍾山
紫氣何紛紛秦淮水接建章宮銅溝亦與寒潮通
層樓累閣分朱邸主第侯家相對起瓊臺砌斷金

沙路鞦韆亦在青槐裡翡翠常啣蘇合香鴛鴦只
浴胭脂水繁華轉傷心今古多升沉六代既冥漠
南唐亦安尋水晶宮殿野棠開千門萬戶生秋陰
四望何茫然忽建城頭羽帆從采石來烟分歷陽
樹遙川動霽景碧草滅江渡啣杯不盡江南情與
君仗劍歌昇平日暮關門一鴈橫

桃花駿

桃花駿馬白玉蹄金羈絡腦無人騎綠踪瀟洒鷓
臆長金瞳箭耳骨月竒背負柘黃羅牽過麒麟殿

流蘇動連錢高覆奚官面紫光燦燦照林木龍影
時時驚水族苑中何事獨優閒曾有竒功在簡竹
騰天門步月窟一日萬里蹄不蹶絕崑崙破突厥
口啣可汗頭來朝建章闕天王為舉萬年卮清涼
殿前賜湯秣朔方無事邊草青為留龍種間天庭
十年對仗勞畫工胭脂用盡難圖形世乏九方臯
老馬不可輕為君歌此駿轉奏明堂和九成無令
大宛獨擅名

祥公話目山

山僧荷衲眉滴青蒼藤卓地鉛作散芒鞋踏遍天
邊山白雲擔出人間輕自言尋師一百日月蹬霄
梯盡歷越路窮不聞啼鳥散側身曾穿虎豹窟天
目高山何處起脚繞臨安五百里諸天鐘磬虛無
中秋霞冬雪迷禪宮朝箱忽自淵底來夜燈却在
空中紅風高六月冰不解胡孫啾啾崖谷晦春無
桃李秋無菊惟見天花發光彩我思越中多異峰
擬折天姥青芙蓉錢塘隘海天目聳聞渠一話心
憧憧他年借得飛龍杖還覓支公食雪松

七十二峰足徵集卷十四

下

武峰吳定璋友篁菟錄
林屋蔡書雲墨濤編訂

蔡羽

感事二首

青山亂黃葉把酒對霜空沙鳥飛轉白礪花寒自
紅索居絃不語引領意無窮忽報宣房役猶驚日

暮鴻

夢見人何近邀尋路轉遐座中花易老江上笛堪

嗟蟲鬪真無為
蟬鳴忽自譁
孤筇今夕醉
吟興到天涯

宿治平僧房

古寺雲依靜
澄渾夕話長
露隨花墮鳥
竹與月歸房
懺悔知前誤
恬愉喜夢涼
哀鐘催棹發
卧涉樹蒼蒼

人日玄秀樓

一杯聊自愛
萬物總欣然
獨坐山花笑
閒飛沙鳥圓
短筇雲不碍
長笛月無邊
無客題詩寄
孤吟湖

上天

曉起

竹色衣全綠
林光露未晞
隴猿催夢曉
塞月墮烟微
別恨琴中語
流年客裡歸
悠悠花上蝶
偏作合歡飛

諸友泛舟石湖還次治平

水氣連山靄
晨遊夕未窮
烟中懸碣
暝天畔躡雲空
新月在潭底
百花燃鏡中
竹房禪榻隱
處愛愛

山翁

新秋

黍稷方華候梧桐乍落時坐看青草變卧有碧霞
思螢疾經樓數蟬涼抱露悲清商殺已發石畔理
朱絲

閭門城樓

吳苑已多樹高臺聞急砧千秋開國意落日一登
臨南去帆烟亂西來秀色深不須孤角起把酒思
難禁

春館

青綺門前柳朝朝變鳥音遊車自昏旦霧館雜風
陰草際天難到霞端澗可尋陽春在古瑟未易寫
孤襟

月二首

半壁初啣嶠新輪忽滿光兔流寒殿影桂落禁林
香扇底青娥怨歌中白苧涼思鄉茂陵客為爾久
停觴

入簾猶寂寂度柳故低低輪滑水欲滴鏡明心不
迷花開鳳苑北人在玉門西萬里遙相望其如猿

夜啼

虎邱山房

去滌厓端茗無如竹裡人
妙尋身外境暫浣目中
塵好樹偏臨水餘花似
逗春風烟步步足欲別
轉
逡巡

燈夕湯子重席上

美景忘遊晏珠燈多夜光
春城繡戶月羅幃畫橋
霜鳴馬客先發誰家懽
未央吳宮星未落醉裡
笛
殺長

西虹橋

引領烟無際憑虛念自深
雲回滿川雁秋起一城
砧颯颯閣侵暮纖纖
月上林扁舟從此逝
把酒不堪禁

林職方志道見招

已報烽塵息長懸林壑情
朝來紅葉動琴傍碧岬
行秋朗知懷濶人高覺
勢輕如何安石倦連月
若
籌兵

灣口

鴻來感秋節雲白認吾家山翠深藏閣蘋香好浣
紗廢興三寸舌今古一籬花吾友如相問西湖路
不差

春陰

春陰三十日愛爾晚晴宜月閣水南嶠花明潭上
枝得來魚尚活分付酒行遲山路村村穩何妨倒
接籬

齊南書懷

鶯啼魯岬柳雁發高平花鼓促城頭日河流天際

霞來乘春漲穩去傍酒旂斜宛似江南景行人正
憶家

雞犬村頻到關山路總新城春鶯送客溪晚月留
人倦矣衣成結悠然酒獨親風烟天際濶吟具紫
綸巾

王中書少溪第觀雪

朔風三十日瓊樹再開花玉塞環天邑金門積素
華醉駝官舍馬暖戀酒壚霞不盡王猷興狂歌筆
陣斜

齋宿

驛使催乾鵲齋居廢曉眠霜籠官道月木翠故宮
烟朱邸聞鷄早銀潢渡馬堅天河光未滅正掛玉
樓前

公事後禁門

碧靄凝金瓦滄波到玉津蓬萊雲靄隸玄圃石嶙
峴內祝開香殿天花捧御真豐宮太皇業温樹萬
年春

毛督經浣亭官舍芍藥

晝靜綠陰匝微風滿院芬紅蘭昨夜雨碧館見朝
雲春杳鳥多怨暖多花易醺須煩紫絲帳遮護到
斜曛

寄黃達卿

桂子饒香吹蘭叢被綠津朦朧隔水月想像倚樓
人葉下石城急花開筆管新捷書連夜發早慰白
頭親

秋日

楓疏映天遠草蔓護門深砌亦朱華冒簾常綠蘚

侵園香三夜兩雁過一城砧已畏洞庭晚休添楚
客吟

秋懷

鴻雁書來潤蕙葭路去長空懸秋帳月却憐石城
霜天遠楓逾紫江深菊故黃綠知彭澤酒不逮向
平莊

天筆軒成

涉已秋濤濶巢因舊谷深試投竿百尺真見橘千
林竹晚開荒圃天寬縱野禽青山虛戶牖難了著

經心

防秋三首

小種時傳箭龍沙戍未歸塞雲懸武帳漢月照金
微猿臂能連射烏群屢冒圍驛書頻獻捷萬乘正
宵衣

降王千帳入一夜過平城角斷仇池月弓膠細柳
營將軍休蹋鞠幕府早交兵益澤西邊國齊呼萬
歲穀

猶聞胡夜獵漸近白龍堆昆莫新開府單于舊築

臺成樓三月火塞曲萬人哀馬上蒲萄酒遙從葱嶺來

惠山酌泉

煙靄晴猶重空門路費尋蔽虧乘翠木宛轉向雲林世有煎茶法人無飲水心清風激修竹山古得餘音

經主第二首

草入行宮綠花開舊館紅金枝香漸遠玉輦恨無窮礪已無脂到山猶妬黛工叢叢原上蝶留客立

東風

古碧蒼苔斷寒渠碧瓦深燕頭猶掠鏡草纈尚同心有井分宮路無塵接禁林百年恩澤盡惆悵沁園陰

吳子子嘉携酒至

芙蓉綠新圓芳草未全歇園香過玉壺山光下金闕風生檻外蘋杯到天心月話長尼客歸不畏蒼苔滑

贈金子坤

別子蘭蛻花相逢竹生籜閒門風自開虛徑雲常
鑰已煩揮塵談未愜聽猿酌為掃南山石秋眠看
泉落

京邸

欸欸白雲秋睡足萋萋碧草夕空長窻間殘果啣
鸚鵡花下繁弦切鳳皇送客常憐白門月著書難
奈茂陵霜丹楓日日催歸思聞道蓴絲早更香

春夜別友人

晚山橫酒馬蹄輕寂寂都門獨聽鶯閣上花枝驚

夢短雨中春草伴愁生江窮吳楚東流壯曲盡巴
渝雙燭明不是新年無柳折長條留取繫離情
見杏花懷吳下門生

偶拈如意話天涯不道春風到杏花朝雨似迎新
燕子江村稀見野人家忙中寒食三年客雪後音
書兩鬢華豈是草玄耽寂寞欲將文字問侯芭
別恨

天涯鴻雁到江樓樓下清江日夜流宮漏侵陵白
髮曉風花分散玉京秋黃河欲凍公猶渡紅葉無

多客暫留最是朝霞滿明鏡終南不見兩眉修

石城曉行

白鳥依依朝不散蘋花渺渺水何長山頭隱見盧
龍觀江上空聞朱雀航客發獨憐尊有月秋高其
柰劔飛霜關門令尹如相識應笑長裾歲歲忙

春日溪上

開門忽報春鴻去夜雨初聞百谷香月影伴人寒
不厭花枝到酒老難忘靜中蘋藻知魚樂幽處房
櫳覺晝長正是車塵飛不到但聽漁父答滄浪

上巳寄文子徵仲

楊柳成絲二月殘闔閭城外路漫漫空餘夜月琴
中語添得年華鏡裡看送客汀洲蘆笋綠倚樓風
雨杏花寒故人東閣多情思獨咏蘭亭興未闌

邀太原公看牡丹

子真谷口任逢迎無意綠知宰相情江表從來擅
佳麗海隅猶自樂昇平霏霏岩霧青泥滑款款春
雲紫旆輕韶舞已陳夔稷暇洛陽原上看花行

大駕北還

鑿輿北渡五雲移親聽鏡歌海上吹黃道香風鳴
寶鉸翠華秋日到瑤池千官喜得金門詔南國新
傳赤雁詩六郡良家齊解甲騶虞旗卷犒王師

寄黃督經

吳門送別汀洲雪天上誰乘八月槎太守古來兼
將略參軍今日重詩家涼風細動楸梧影秋水初
搖蘋藻花遙想太平閒甲仗亞夫營裡幾聲笳

客談西帥梁鎮累捷成功喜飲

雲中紅葉懸梨栗河北黃鷄滿稻田西將已收青

海箭長城不動紫旄烟百年俎豆興周禮九奏簫
韶樂舜弦白髮喜來提劍舞風吹天漏夜尊前

逢陸諫議浚明

陸子騎驢白門晚垂鞭花下一相逢碧山自得春
遊趣黃鳥休疑野客蹤枕上海濤經幾宿雲中湯
谷阻千峰長楊掃地奈欲發明日吟筇何處從

秋日

清秋山色淨簾櫳八月芙蓉滿鏡中醉任隴雲連
海綠愁禁楓葉接天紅養魚好伴鴟夷子飲水無

如桑苧翁江上美人期不到吹簫獨自向虛空

春日思家

經旬不出畏春泥狼籍風光上苑西江柳初搖客
未發山花欲落烏頻啼故鄉頭緒愁中草野寺棲
遲石上梯暮色蒼然人倚閣秣陵東去白雲低

靜海寺佛閣

夜宿猶依白鷺洲朝遊忽到古城頭江聲不為行
人竚山色常含往代愁葉下碧欄蕭寺晚馬嘶紅
苑北門秋風流總是周南客看海啣杯一倚樓

清明日張月鹿至

鷄聲東傍禁城隅官舍青青繫白駒上苑花枝淹
舊雨御溝楊柳發前湖風光未判春多少弦管難
明恨有無綠草漸高隄漸沒憑君推牖看鷗鳧

館中冬夜

燈火青青閉草堂茶烟猶自攪爐香寒宵不盡官
城葉月色偏兼客館霜近闕木魚傳警切高樓銀
箭滴愁長公車射覆虛遲晚方朔何須粟半囊

春去

萍藻經春高石床水亭終日柳花香坐忘屋裡青
山近卧起天涯綠草長楚國登樓空作賦梁園啼
鳥苦思鄉東欄芍藥三年別誰護西湖夜雨狂

冬日寄諸昆

理書烘日映窗紗雁字橫空忽又斜海上碧桃逢
雪采江南盧橘遍村花湖鄉晚喜銀魚賤霜閣朝
留紅葉遮臘近家家炊麩米何人騎馬獨天涯

懷舍中牡丹

輕薄東風燕子斜長安有客未還家燒燈不是春

山夜對月虛懷舊館花卧處小屏霞寂寞夢中芳
草蝶誼譁天涯物候關情極乘興思浮碧海槎

期王子履吉看花不至

春星浮動闔閭城此夜憑闌為友生嘉樹月來香
氣足草堂風靜玉琴鳴未嫌國色人難品卻怪山
陰客不行會合難期江海濶年年芳草管閒情

人日山樓

青錦屏風石倒懸石上朝朝生紫烟午時閣暝開
巖翠正月山深發澗泉梅花半白情未已沙鷗欲

去心茫然晴波渺渺三萬頃何處飛霞來酒邊

早春

清江宛轉映村行笑指群峰看雪晴野籜製冠雲
水淨山花浸酒烟霞明天涯已動碧草色谷口初
聞黃鳥散湖北故人相見少晚來空憶闔閭城
上日風清烟靄收長洲新水綠悠悠春回樹色流
鶯亂寒入花枝翡翠愁吳地月明人倚棹江村笛
好晚登樓歸鴻不待天涯暖早折紅梅寄隴頭

東府旅次

有客白馬來高林碧雨歇湖上石樓開忽見山吐
月

海霞初歛夕江月亦乘潮興來秋夜笛擬度赤城
標

引奏後即事十首

中使迎軒簇彩旃千官猶在玉河邊香烟未散龍
輶起今日君王御講筵
璠樹花間金鳳翹紅鞍綠轡馬頭驕當朝戚里多
豪貴惟有何郎早插貂

天王不用擊毬坊錡禁清嚴百草香都人更勿憂
巡幸但聽雲中駕鳳皇

溫泉花木四時開閣道笙歌霄漢迴萬歲千秋常
有道內家真樂勝蓬萊
千門花柳轉楓宸百和香中過輦塵銀箭忽從天
上落六宮仙子聽時辰

林開鳩鵲綠烟銷月掛珊瑚樹影高闈苑風清仙
曲妙西王連日進蟠桃

珠簾綠纈紫葳蕤小鳳頭軒花下移長信宮前宣
使急平陽促馬赴瑤池

金華筵罷退從容小仗穿花聽午鐘五色傘中黃
靶冪太官初進紫駝峰

金水荷花接綺軒石渠銀鑰掌中閣西崑學士封
麻晚斜日猶開左闕門

碧鷄朱鷺羽毛鮮小殿芙蓉貼水圓昨夜百花風
信急御溝新藻有紅泉

蒙古信卿畫馬

高繫青絲背綠駝溫泉洗後立從容奚官袖手天

池晚摹得開元舊墨踪

題鷄鳴山房

山浮寒碧水浮花石壁蒼蒼竹樹斜愛爾玉京秋色好白雲頭上看人家

為王大理白谷題谿山圖

隔岸浮雲細細生谿山幽處一人行春鴻去後無消息昨夜桃花錦漲平

陳氏藏書西舍觀水仙

仙風邈邈玉肌圓月魄飄飄翠綬寒舞雪不令飛

燕逐凌波應在宓妃前

黃金為梳翠為旂迥立東欄雪一圍六萼宮中春信早百花頭上玉香微

公餞吳選部置酒神樂觀

酒上丹霞去復回高情不盡再登臺清江正抱玄都觀可柰長楊掃綠苔

春色無多綠草齊故鄉何處白雲低金明門外牽衣晚莫遣楊花襯馬蹄

王維楨大行使至

綠草如烟柳葉長
勞勞亭外送人忙
春深不見王
喬履空聽流鶯過
苑墻

陸包山述李三塘見推為題畫

披展雲山話雨中
士龍人品李膺風
荆州士論虛
叨忝借筆題詩看
洗桐

七十二峯足徵集卷十五

武峰吳定璋友篁菟錄
岱心劉世禧錫茲編訂

丁致祥

致祥字原德號草窓別號近齋馬蹟之雁門灣人
蚤歲專心古學年將五十始以儒士應舉中弘治
甲子舉人正德戊辰進士初授戶部主事監居庸
德平軍儲暇日與諸生講說經義議論古今如家
居時閩省益權之利匿於奸蠹者數十萬部議推

致祥往釐剔一清具疏利弊五事皆見採納先是
漕舟自江達淮途中多滯致祥督漕興復儀徵廢
閘專堰利者以浮言肆沮致祥不顧集前人碑文
記略附以已見可垂永久者刊以問世卒如其議
運道以通歲省費萬計擢湖廣布政司叅議當是
時藩府尊崇官校倚勢作威侵奪民田陂澤有司
熟視無可誰何致祥從容諷王悉還諸民有武弁
犯法托要人遺暮夜金婉謝不納竟正厥辜調陝
西按察司副使撫漢中流民恩威並著在楚在秦

兩遇水災設法賑濟民飢而不害陞河南布政司
叅政引年致仕生平不為矯狷岸異而恭守堅確
推誠待物痼瘵乃身歷官中外三十年家無長物
稱清白吏云

顧烈婦

耿灣顧恕妻吳氏西村吳滿之女吳索厚
聘不以時嫁歸顧時恕已病篤氏侍湯藥
甚謹彌月而夫亡夫遺言勿誤其終身翁
姑憫之欲議改嫁氏覺遂自縊

吳氏女顧郎婦嫁郎郎病不出戶禮垂婚媾尸者
誰居貨濡時要善賈堂前禮畢歸洞房慘不成歡
事辛苦調糜和藥悄無言婦服于人是其所郎言
再偶是何人色不見嗔心則怒強顏笑語苟如此
泉下何堪復相睹吞穀死別情未洽百年無幾先
朝露尋思事定惟有死掩戶自經翁計左同牢日
短同穴長口碑不斷青山路吁嗟乎堂堂意氣偉
丈夫平生自許可托孤一朝事變失所守肝腸臭
腐成污塗顧郎婦出天賦截鼻投崖堪並數山人

歌罷面發頰丈夫難事裙釵做

彗星見

嘉靖十年

維辛卯七月爾星見西方飛芒揚彗帚萬里搖精
光微臣忽戰悸扶服心徬徨不知太史占無乃非
天殃君王真聖人至道足以禳宵衣肅王化側席
求賢良冢宰亦避位踧踖殊不遑復自稽天文惻
惻徒悲傷

聞征交趾

聞道征交趾張皇舉六師南溟渡龍馬五嶺樹蛟

旗餉道風烟接雲霄羽檄馳如何舞干戚遂使格蠻夷

出塞

元帥辭丹陛君王賜寶刀風沙鳴鐵騎烽火照金袍卷雪旌旗動凝雲鼓角高龍庭犁老上麟閣著英髦

丁 輈

輈字心淵參政近齋之孫為唐荆川先生入室弟子由郡庠生入國學家漸中落檢敝篋得先人故

畜子母券數十帑可千金所親者為輈賀輈曰券者以飢而逋予以逋索將益其飢可令予一人飽耶乃盡焚其券粵西大將李西垣聘為參謀其麾下有以金三百兩珠冠一頂餽乞一言於大將者輈正色却之後麾下以賍敗搜其籍得前餽不受之數大將嘆服又麾下偏裨殺賊有功而性戇直善罵座屢與人忤大將中讒欲誅之輈曰伯夷能殺賊乎大將悟而釋之羅防猺人為亂先是熟狴已納款輸稅有言於大將宜併滅之以樹威輈

曰殺降不祥吾當覘之至則諸猱歡迎爭餽酒食
斬歸白大將曰大兵壓境而恬適如此夫豈反者
熟猱賴以全活及歸里囊橐蕭然三舉鄉飲賓長
子大夏五歲能詩有神童集

偶評

齊幸無趙后於陵得苟延矯廉寸無補逃親妻愛
偏問心亦安否負罪莫大焉君不見孤竹兩聖賢
採薇為君父高義薄雲天

還山

家喜臨邱壑同雲出復還謀身原任拙娛老只貪
閒笑傲滄桑外優游樵牧間百年誰我契明月與

青山

丁復初

復初字紹淵號四愚輶之少子弱冠能文兼有智
勇福州吳小江為粵西大中丞紹之入幕從征羅
旁北三有大功議敘授守備居官七載意不愜棄
職歸坐擁百城尋盟故舊恂恂儒雅老而益恭壽
至九十八歲凡五與賓筵以長子辛貴誥封文林

郎

曝日

曝日南軒寒較和吟肩不聳得微哦願將暖氣煦
寰宇茅屋無衣無褐多

丁 辛

辛字先甲號又三參政近齋五世孫也崇禎丁丑
進士任福建浦城縣知縣閩俗生女多溺婢子至
老不嫁辛嚴禁之俗遂革三年報最惠政甚多辛
之日民有涕泣者祀名宦

秋燕

營巢乳子一般忙歲歲欣來話草堂觀破炎涼便
歸去烏衣何處是仙鄉

丁 澈

澈字聖清品行端方有古人風居馬蹟之檀溪灣
為山人所矜式

過棲雲庵

香積依青嶂禪堂遶碧溪水深猶見石山迥不聞
鷄翠落空林濕烟凝古木齊寧知人境裡別有一

招提

香麓邵公墩

相傳宋時晉陵邵公協宰新昌歸隱于此

荒墩留得邵公名
天棘薔薇滿眼生
獨有無名枝上鳥
啼來渾似讀書聲

黃訓

訓字季行東山人
明正德庚午以詩經中應天鄉試
甲戌成進士授兵科給事中持正不阿遇事敢言
天不假年卒于京邸年止三十有三朝野惜之

次張秋

聞說安平鎮今瞻感應祠
荒村春不煖野店酒偏醜
河曲風威壯冰澌沙嘴危
小舟眠未穩乘月讀殘碑

咏螢

烏兔沉埋後光明獨有螢照書同太乙勸酒勝長
星變化全憑候飛騰不論形杜陵托興淺蹙蹙畏
飄零

黃光宅

光宅字振閭

銷夏灣

寂莫西施石糜蕪花自開太湖春水碧夜夜月飛
來廢沼鴛鴦宿離宮沒翠苔綺羅今不見遺恨在
荒臺

分賦謝姑山壽吳餘生

洞庭春鳥喚提壺二妙凝粧對鏡湖劉阮昔年同
采藥不知曾到此間無

黃文漢

文漢字伯章西洞庭暘塢人

秋夜泊水陸洲

江空流素月秋爽澹明河露冷蟲聲急天清雁影
過寺鐘鳴水近漁火傍村多城隔夜深渡蘋香發
棹歌

晚霽友人呼看新月

春盡寒多雨新晴夜色存幽芬侵竹夢香影約花
魂客至門初啟烟銷月一痕閒居無俗累祇自賴
琴尊

黃河

河字星源禹期山人

廣陶

爾生亦流浪苦此男女情乞食與自祭沾沾未忘
名可死即不死了生於此生所以聞至道蹙然嗤

廣成

夢飲而旦泣飲者不非是臨死而咎生死者不受
毀公處夢覺間飲酒亦復爾吸破盃中天天花亂
飛騎

男兒負絕竒勛業非豪英天壤有至樂食色非性
情昧者不自信聞言嗾然鳴因之處大患滔滔隨
死生

親自植菩提非樹復誰知惟與疎林增幻色東去
層巒官長尊俯看群巘列兒孫磐陀石上身忘我
獅子岩前虎斷魂直與一岡為火石熒光入夜凌
虛碧珠聯玉削點山竒數里梅花攢翠碧循湖迢
遞到金沙朝暎燦爛如明霞應是昆池回嬾女丹
爐飛出九還砂悠悠斜度蓬坑麓疑向蓬萊分一
曲頽波何事少幽人長使山靈嘆空谷空谷之東
尚可探檀溪窈窕棲雲庵泉鳴玉漱巢由耳松老
龍蟠霧雨龕栖雲曲磴盤雲裡殿對天門開勝子

星搖碧落映燈寒戶挹將軍烟帶紫逶迤北去轉
山莊巖嶂中藏薜荔房那見華家遺氏在只傳學
士尚流芳徘徊湖畔西山路舊是山人哭員處血
淚成波千古流孤忠猶使山名著昔時伍子盟高
峰崔巍勢壓夫椒雄憑弔惟存試劍石劃然千載
誇神鋒西來峯嶽金鷄墩曾聞石上金鷄鳴未識
清音何日返空餘惆悵烟雲生雲居道院堪今古
勾漏辭官隱茲土芝室棋殘白鹿醒丹泉月射仙
禽舞帝闈不鎖走龜蛇天矯晴嵐赴水涯怒鱷騰

蛟不敢近晨昏呼吸走魚蝦漁息磯邊漁艇過征
帆颺颺連漪破得魚沽酒羲皇氓蘆荻花灘常醉
卧墓灣喚醒浮生誤聊試尋芳經竹塢避暑宮墟
木石寒西施心在人朝暮紅顏豈遂覆姑蘇眼底
驕奢勢自孤君王若肯納忠諫灰飛能到內閭無
內閭南去桃花止秀脉迢迢萃於此熨斗崖中日
月長輕濤欲洗紅塵髓紅塵拂拂老蒼生白髮蕭
蕭任物情神馬永垂秦始迹亦同漚影綴滄瀛

杭澤

澤字叔潤號勿軒讀書砥行鄉閭子弟多師之所
著有秋蒂藁

題寨前古跡

冽彼一派泉出自靈山裡潺潺瀉曲澗泠泠激石
齒厥音類素琴而又鳴不已偶于月下聞心地淨
如洗

古澗泉琴

橋畔屋參差屋下水清淺當門楊柳垂對榻畫圖
展綠醕春正香青旂暮纔捲提壺客頻來不辭山
路遠

賣橋酒肆

山間有靈物瞬息能變化油然玄雲騰沛乎甘澤
下我公及我私溥潤當炎夏滌除蘊隆灾西成乃
多稼

青龍夏雨

白石滿深谷蒼松夾幽徑樹底負薪人行行且歌
咏靈籟度天風高下岩谷應我心殊爽然側耳臨
流聽

石塢樵歌

河水向東流長遶青山足良宵月在天上下相照
燭清光湧爛銀靜影沉圓玉客從湖上歸推蓬豁
吟目

橫河夜月

觀湖中冰山

黑風捲白波突然呈怪狀伊誰秉斧鑿於此屹巒
嶂蜿蜒卧蛟龍斷續走犀象颺颺胆應顛鼉鼉力
何壯蛟室堆蠙珠龍宮傾寶藏月浸水晶窟日搖
雲母幃寒欺鄭廣文勢軋楊右相不聞和氣至消
沉在反掌

登官長山次聶大年韻

鎮壓夫椒碧落高吳宮縹緲望空壕片帆天際孤
舟杳怪石峰頭插脚牢雨過急流飛瀑布秋深寒

籟起松濤曠觀盡入雙眸裡割取何須更借刀
望李見松表兄信

孤蓬何處寄行踪久矣無書托便鴻回首天涯人
不見數竿修竹幾株松

新築小隱成

別構茅茨遠市朝幽花野鳥共逍遙白雲隔斷門
前路不放紅塵過小橋

杭岱宗

岱宗字魯瞻嗜吟咏善丹青有濟勝之具馬蹟山

二十三灣林巒巖壑靡不登陟一灣寫成一圖彙
標誌書卷首俾一山名勝瞭然在目亦藝苑之有
心人也

避暑宮懷古

吳王臺榭鏤錦花離宮偏愛鄰山家西青絕壑多
秀色飛颺萬里來不息清涼頓使煩襟改石竇寒
泉注行在姑蘇國事積如薪靡飲樂部繁于海墨
浮金鼎望查東藻發梅梁春首風藕花映日紅誰
似屬玉雙雙照水同珠環皓腕矜西子鐵甲魚腸

老霸雄六銖衫薄若為憐斜抱龍門不記年氷簟
 玉床青嶂下銀瓶瑤井碧梧前帳殿生光羅綺繡
 都梁浮篆御神仙仙音微妙無能識醉盡君心河
 朔邊姬籙遙看曾幾時鷓鴣啼罷淚垂絲綠莎舊
 是椒蘭地我意山靈共此悲

春日大風中上耿嶺四望

登峰聊借孟婆扶列子前身恍屬吾萬頃濤聲疑
 滌漢一行山勢欲分湖烟雲鶻突空陽羨梅柳青
 柔勝小孤回首荒莊憶孫覲

孫覲山莊在嶺下

蒼苔白日卧

樵夫

伍子盟頂

敗越當年有大夫盟山執戟虎為符橫行事已成
 千古留得忠魂聽鷓鴣

晝麓清泉

崦岬漏出太清髓上飲沆瀣涵氤氲不干鄴子水
 經注何地無才今始聞

杭 玄

玄字又玄別號太玄居士居馬蹟之寨前里唐將

軍杭暉之裔也幼穎異初就傳其季父桂岩出對
云秃筆不堪書細字即應教曰舊琴猶可續新絃
時桂岩方悼亡亟加賞之成童即善屬文工草書
既冠授徒講學及門之士多成就而久困童子場
人歎為屈弗以介意因逢橫逆絕不與校自號忍
辱仙人子銘鑑孫源濬曾孫桎皆克紹家學有教
黌序中

自題聽松觀泉小照

我非陶隱君亦愛松濤聲我非莊漆園亦愛流泉

清寒松之偃塞肖子孤影惇寒泉之凜冽肖子方
寸澹松泉具肖我何復寫我真我形同土木何必
假丹青馬君真好事勗我有深情塵世多囂紛曷
若遊玄冥坐我松泉間返聰以黜明惟茲松與泉
共結百歲盟

杭銘鑑

銘鑑字牖衷號拭庵占藉武康縣學為廩膳生七
躡棘闈遂舍去週遊八閩憑弔古蹟所著有桃溪
會業

文選樓

鼓吹休明日依稀見六朝文衡推帝子選政屬梁
蕭禮樂河山重穀名月旦高樓臺得瞻仰飢渴已
全消

蘭

本出玉京洞名為王者香潔齊魚鮓骨芬紉芰荷
囊不與衆草伍幸親君子堂麥薺雖茂茂有守乃
無妨

雨中綠萼梅

翠袂佳人印短莎越羅何事掩橫波非關浴倦殘
香鬢却恐啼多損黛蛾碧草碧烟愁碧玉湘雲湘
水怨湘娥傷心我亦同司馬檢點青衫濕已多

杭源濬

源濬字發祥號震湖少岐嶷甫能言口授詩即成
誦垂髫已解行文之法小試輒勝其曹鄉闈屢蹶
及門之士多得氣去而濬獲落自如嘗遍游兩粵
兩浙寄情吟咏焉

晚宿橫林

落日啣山影停撓眺晚晴月明河漢淡天濶斗牛
橫暑入新秋減詩從半睡成聞鐘看曉色風度竹
林清

玉蘭

敢辭穠艷鬪鮮妍皎皎臨風擬素仙皓魄可同梅
作友靜香應使玉生烟吟成白雪供清賞和有陽
春不用絃興到月明相過訪空濛一色映瑤天

古寺納涼晚歸

酷暑難禁起怨咨偶尋古刹共遊嬉縱觀目所未

經處坐到涼生遍體時却睡定須茶作引暢懷惟
有酒相知歸與收拾殘詩料一段清幽寄夢思

杭 檉

檉字會宋號方川震湖之子武進廩貢生四入棘
闈兩邀房薦俛得復失知者惜之

盆梅

本是羅浮種清芬忽傍人得無玄尚白似亦水為
神片玉終堪惜寒香自足珍不須三十樹已占百
花春

生意窓前滿春風几上盈素心還古道冷眼故人
情妬雨何曾及流光只暗更縱然搖落盡差不負
雙清

玩菊

序入深秋節候新白英黃采各舒勻朝雲欲整霜
如沐夜影相依月似塵佳種自來三徑滿東臯歸
去一官貧相看老圃風光遍遙憶當年載酒人

魯釗

釗字桐聲號賸住居士明季宿儒與義興堵牧稱
至交堵登崇禎癸未進士督學楚中遭國變父子
死王事家貧旅櫬不能歸桐聲不忍故人忠孝之
骨終委異地乃懸堵遺像誓於神前必歸其櫬葬
之山中卒如其志人皆義之居恒俯仰身世悲從
中來輒為阮籍唐衢之哭人目為癡因自署魯癡
時常郡有癡名者十人堵癡于酒魯癡于哭所著
有編茗集率意放筆不欲人知亦不可使人知也

始居西村灣後遷武宜界之運村以老

有所思

蚤見一庭日晚見一庭月日月那無情我心空斷

絕

嬌女詞

不知底事幾宵忙道是將儂嫁遠方只有今朝明
鏡裡見儂還得在娘房

魯 鉉

鉉字文聲又字天眉釗胞弟少年氣盛與其兄皆

自負不凡鼎革後棄絕舉業托興詩詞殊不經意

讀管介臣所遺杜詩

書為今古共奚必樂我有然在今古間相遇故非
偶况復良友遺讀書如見友清宵一展玩不可復
飲酒山林燈影間禽鳥各飛走古人言語散見其
出自口念昔長往人得書以不朽人無不朽志對
書亦可醜嗟彼驚天才儲之在畎畝縱無受知日
剛厲岫自守愧我飢寒多舉措觸杙柎得親真摯
人動念矢不苟君志亦超灑蒙愁執子手謂言書

有情天地生趣藪得味細心讀從頭向余剖

鏡花

啟匣渾無有臨窻忽見花輕綃侵滿月秋水浸殘
霞手轉疑枝動臺欹見影斜分明香色備不上枕
邊鴉

虬槎

憑將鐵骨卧風烟伴我離竒傲骨堅倚織秋思明
月夜坐傳春酌落花天爐翻驟雨江聲近壁走驚
螭日影懸擬作蒲團看貝葉熟梅香下晝聽禪

青苔不受履痕侵剪徑還期稗子臨筆湧波濤分
海氣窓懸風雨落天音稻香浮椀朝翻雪劍語鳴
空夜响琴坐處依稀荀令席卧看踈月到長林

畹九陸子為燕語贈人云憑君莫笑處堂愚
世道而今更可吁斜掩珠簾深掩幕主人猶
是昔年無蓋寓沉憤于嘻笑也予則又為燕
子之作三絕句

漢宮何處是昭陽入幕窺簾祇自忙細雨近人緣
愛暖寒來休說舊時王

胡地斑襟越地紅
穀分大小事都同
梁間羽翼初成日
不記茅簷好避風
羶兒原不戀南州
底事留名在畫樓
只有鴛鴦能作瓦
霜天獨看雁征秋

懷兄

空江雪浪拍天來
落日驚猿兩岸哀
入眼不禁歸思滿
梅花香裏一帆開
江南江北夜穀多
不是吳歌即楚歌
怎及村西春樹裡
鳥音一片出天和

七十二峯足徵集卷十六

武峰吳定璋友篁蒐錄

岱心劉世禧錫茲編訂

張本

本字斯植號忘機野老又稱五湖漫士東洞庭山人陸儀部師道傳畧曰斯植醉而失恃鞠於祖母劉頗教以古今孝弟節義之事即能領解迨事繼母陳協于孝敬陳亦慈愛之陳嘗病劇斯植籲天祈禱雷雨晦夕見一星炯炯起天末陳病良已既

長業進士研求經史發為文章咸有根柢以易試
有司俛得復失乃棄去學古文辭于王文恪公時
公以退傳家居主握文柄慎許可獨斯植緝學綴
文能當公意嘗讀書福濟觀為道士賦九月梅花
詩都太僕元敬見之嘆賞因使人調斯植斯植方
正襟夜讀太僕益嘆異就之晤語賦詩贈之一時
如文內翰徵明陸黃門祭彭徵君年陳憲副鑿王
選部穀祥黃徵君姬水皆縞紵為歡共相推重或
延為子弟師斯植風度修整教人恒嚴矩矱而善

談名理開導有方經其指授者皆循循可觀故所
館率挽留不忍辭然斯植去就必期于禮不苟誣
也門生韓某得其大父私遺金謁寄焉拒之去自
埋于館下無何某暴卒斯植乃知其藏徃白伊父
兄發取之父兄感泣願分遺斯植斯植笑曰如使
予欲之豈令若父兄知哉其廉潔不污如此居鄉
日偶窺園樹有盜果者悸且墮斯植亟止之曰無
畏汝為嬰兒索耳又隣人越圃垣薪其木斯植見
之即揚穀若不知者俾逸去以是鄉人多頌感之

斯植年逾古稀神明矍鑠良辰勝地名流讌集拈
題酬倡大篇短章醲郁淵奧詞壇推為作手著五
湖漫稿數卷黃姬水張獻翼序而梓之

城上烏

城上烏夜啼啼殺一何悲悲我獨淪落長為生別
離別離在他鄉伶仃逢百罹高蜚恐殫丸低飛有
羅圍反哺既不足兒女亦悽悽出門潦濡足入門
淚沾衣北風厲以號雨雪何零霏橋梁絕中道叢
棘難宿棲肝腸日以剗羽毛日以頹褰裳陟邱壑

但見蒿與藜儔侶不復顧六步三裴徊裴回自斃
疏何堦揚素眉上懷曲房游下憶金粟糜玄雲久
泱鬱躡躅多嶮墟戢翮不能奮但恐沉黃泥埜田
飽黃雀從之匪所宜長林猛虎食寧為烏獨飢泥
途不可褻摩天且高蜚蜚蜚仰天門何繇凌峻梯
上林有瓊樹願借枝相依

月夜楞伽寺竹林與諸友燕集得滿字

霽宇涼氣饒靈區素暉滿飛雲故熒熒流泉且朗
朗神景不可窮妙象恣所翫芳隴既逶迤重林復

蕭散蕙艸被歲莖高鶴駕沆濟為樂羨彌豪從游
愧已緩天規麗華組僊芬絢嘉歛旨酒命金壘清
商激瑤管

士林歎二首

敢謂幼安介誠非子雲才但耻值霜雪况爾滿塵
埃淒風裂肝胆長日拘形骸無階入天厩空餘悲
駑駘

櫪馬無所適游龍任迴營胡為皆物性攸遇殊心
情役役耻身累滔滔空俗櫻詎知力文藝不如事

深畊

舟泊鍊墩待月

枉渚踈緒風明沙泣秋雨鳧葵向堪把筇箐復容
與采性延幽期稅鞅褰靈宇菱歌映素波鷺柁吹
玄羽而我寸心塵澣此五湖水東瞰三江流西眺
千林嶼淵清既搖搖芳思且踽踽滢滢夕霞霏菴
夔年華去况迺蛟龍藪豈不懷賢侶修夜嘉月暉
乘風采餘綺

重陽前六日遊楞伽山同主內史橋梓周君

公瑕朱君子朗

囊茱令室邇豫陟吳宮嶺高揖排青冥山花正彪
炳天空飛日低野曠浮烟迥修止結遐睎崇嵒發
芳憤務協馬臺游凌繹龍山飲黍黍風扈馨芙蓉
露衣冷溪女颺菱歌江翁弄鱸艇游鷺蹴濤散翔
鴻遮天影惻惻傷遺踪悠悠畢餘景豈伊蘭亭儔
兼茲竹林咏彌望不憚勞詎惜流光暝既羨雲腴
茹但恐霜華墮願得兩青童飄飄一招引努力紫
金經終焉碧霞隱

賦黃淳父新卜葑川別業

黃公邈吳市得道成金沙幽情鍊精鬼妙理參南
華牀頭貯白璧几上飛丹霞豈若郭門外淶水芙
蕖花卜築枕溪流澹蕩遠紛譁高天肆黃鵠大澤
居龍蛇既蕪穎陽稼復種東陵瓜呼我忘機人而
此艤靈槎秋清弄蘿月一嘯天之涯凌颺瞰溟渤
悅懌噉瓊葩還期遇徐福白虎仙人車但恐訪江
海天書徵白麻

寄黃志淳四首

霜城抱幽瘵雲木闕層阿高會每難值芳時屢已
過終然一夢杳豈不轉愁多况此北風急淒其傷
我何

冬日倏已邁離心滿浮塵慙慙感疇曩惆悵及茲
辰運命值中否羈情那可伸詞將附高鳥贈爾草
玄人

經秋阻良覲所感冬復滋落葉解華緒浮雲亂層
颺青山望已遠紫月譙何時豈亦得瓊玖與君易
新詞

高踪邈難即幽意復何深嗟此歲寒候常懸離別
心淒雲落修魄古木振飛音安得極中夜所懷傾
盃簪

有所思

十載夫從戍忘軀久不還欲將離別淚一灑玉門
關恨氣頻銷骨鉛華不整顏垂楊空自惜無處為
君攀

拂水

寒流懸峭壁滌乳捲長風裊裊丹搖壑迢迢白濺

虹含雲全到海乘月半飛空愛此投心客慚吾洗
藥翁

家園秋夕

蓮芰屬秋夜邱樊開華門山風漱肌骨潭月洗心
魂遠矚有不極幽情無與論秋芳恰盈把采采謝
蘭蓀

懷彭孔嘉

神颯動城郭長夜渺星河我亦山陰客懷君嘉興
多仙書閱樓閣旨酒卧雲蘿此日池塘水荷花映

白鷺

江村秋暮

結宇靜堪適鳴榔遙自歸鴨依殘照集鷗拂斷雲
飛纈縮蓴絲滑香漂菰米肥溪深對尊酒風動芰
荷衣

山樓夏日二首

菡萏生丹沼芭蕉閱綠天雲阿題峭石樹抄看飛
泉時作青猿嘯還偕白鶴眠幸逢綺里士終日且
譚玄

披襟延淶水掃榻對疏峰烟幄懸窓薜風琴入戶
松沉冥間塞骨迴薄老唾容盡日堪羅雀何人問
卧龍

永興寺訪懋上人

江上尋僧話雲隈滯客驩乘沙度幽葉分石憇層
巒磔草流香迥池花浸影寒城南一携手秋色滿
長干

疇吳子充歸自大梁攜詩見訪

別去江湖遠歸來歲月遲壯懷隨處好清興滿囊

詩對此百壺酒難疇千里思却憐青鬢友俱是白
頭時

吳城謁王師文恪公祠

帝簡三朝傳文傳百世師江山韓子廟日月范公
祠屢竭溪毛薦難窮江漢思門墻勞夢寐猶是碧

山時

本嘗從公游于洞庭里第者
數年故形於夢寐所在皆是

又題任大夫錄功祠

萬死元無避孤忠獨行開城拒虎兕剗海靖鯢
鯨風雨戈邊宿水霜馬上生况能輿病骨百戰請

長纓
贈射
於爾射雕手何妨鴻鵠思春無黃鳥語夜有白猿

悲獵馬騰郊迅關弓貫石奇因知眼前事不是尚
文時

秋夜登閶門城樓

月白三吳晚天青八月秋芙蓉照江國蟋蟀上城
樓海思飛雲亂鄉心落葉愁忽聞黃鶴笛清夜重
淹留

九日吟風岡晚憇二首

千仞翠為嶂百花秋正芬烟開笠澤水杯引洞庭
雲泉響樹頭落樵歌天上聞不須愁落帽吾欲賦
斜曛

山靜足為樂秋高何所悲殷勤黃菊酒搖裔白雲
期籟聽風千壑林窺月半規吟成歸去晚乘月釣
江湄

雨夜同諸文彥舟宿塘灣率爾口號

野鳥江湖性高天入鳳群調絃千壑雨沽酒一溪

雲木葉如相嘯漁謠不斷聞敢將然諾意酬爾濟
江文

新春雨後石湖漫興

澹蕩弄雲水青山成主賓祇園鐘喚鳥漁市鼓迎
人興發揚帆遠愁消命酒頻垂楊報春早相對眼
俱新

虎邱悟石軒訪僧不遇與客憇飲至暮

飛軒映寒鴈香靄結網緼吳酒不能醉空音無復
聞鐘鼓兩廊月雁影一江雲且此事幽狎飄飄鸞

鶴群

奉壽衡山文先生九袞八十韵

醇儒應間世哲匠早知名文物真師表朝廷老俊
英古今逢大運天地得奇精學懋天人貫才高海
嶽鳴郤金全父德辭餽覺王情

其先温州公終于任温之僚屬知其

廉甚賻贈千金先生堅拒不受江西寧 兔穎傾三

王遣內監持餽百金為潤筆亦不受 峽桑膚貴兩京粹然承道統卓爾握文衡粟帛無

虛市珠璣却滿籬素絲繇不染完璧竟連城奇作

抗大令 范曄傳曰筆勢縱放 適揮凌率更象形殊

寔天下之奇作也

炯炯騷雅况錡錡禁掖卿雲質仙班列宿晶朱提
 疇史畢綵幣錫書成作聖膺高界勞賢享大烹揚
 鑣芬玉署馳轡軼公卿綸綍霑皇眷綢繆任客縈
 潞公宏派裔信國邁家穀欲著潛夫論憑誰月旦
 評遙辭鴉鷺侶近結鷺鷥盟元亮本真率幼安何
 潔清辟園唯薜荔闔戶祇柴荆所恥偕宣父而謀
 但老彭叢攀小山桂薌掇巨江蘅夜課程編慣朝
 叅孝禮誠鼓琴魚鳥翕落筆鬼神驚琬琰鏤良博
 緗縹賦寔宏研吞笠澤水飯給穎陽秬群玉懸華

館雙梧覆翠楹高眠即石枕閒飫恰尊羹嬾作嵇
 中散狂譏阮步兵蹟綠蒼島峻光徹紫薇明金液
 融青骨秋毫鑿碧晴蠶絲描入聖顏凱之描法蠶如春蚕吐絲

首法猶俾

先生九表能作蠅頭小楷古今法書家所未能也

反樸祛雕飾

忘機勿競爭雲騰五色筆月掛九華檠村豎咸知

仰山翁也和賡百揆神有助一撮氣無勅抑自克

頤養何曾藉鍊形顏舒霞兩頰髮攬雪千莖老去

身彌從窮居道益亨烟波常泛鷁石壁漫聞鶯墨

泣鳥皮凡花凝頰玉罌豪吟捎魍魎長嘯狎鳩鵲

周乏仁攸決砭愚義復弘馨香弭滓穢讜確定縱
 橫迺繹呈新式那嫌設舊醒輕帆靡枉駕短榻聿
 全貞既喜青林卧猶諧綠野行刊山呼鹿豕浮海
 咤鯤鯨宇宙今元老乾坤此瑞楨詞同星焜燁德
 與歲崢嶸鸞鶴幽偏適松釣晚愈榮息波開灝蕩
 壽域際昇平律已多恭遜逢時屢送迎夢年因寡
 嗜袁固亦稀營後進爭趨軌名家悉讓兄祥烟縻
 遠躅錦水闢精瑩量合江湖渺神隨草木萌滄浪
 歌乃乃伐木聽丁丁白日孤心曠浮雲軒冕輕從

教頻剡檄安肯赴弓旌瑤笈非無授瓊漿豈不傾
 德容渾盎盎福履正盈盈霈澤如膏雨流風裨國
 程能為上皇逸奚使俗塵櫻嶽降徵虞集經譚似
 伏生四朝文獨盛五世慶交并子胤華聯紱孫玄
 秀毓瓊庭嬉鵲繞樹門集駟垂纓賞月延激竿乘
 風理奕枰魚鬚携古杖魚鬚杖留球所貢文皇朝物也瑩栗如王先生今得
 之鳳管奏和笙刺史修賓讌黌宮獻壽觥百年惇

典禮一代尚儀刑

今年春正月十五日郡庠鄉飲禮畢郡守溫公復自祇率僚屬

并眾鄉達及類官諸生稱觴以介壽誼齡攸邁楊先生壽儀物隆腆一時之盛事也

足徵集

張氏合編

十二

林紀寔羸

洪武六年預鄉飲者周壽誼百有十歲楊茂九十三歲林文支九十二歲時稱

勝詎能齊道矩夙譽震蓬瀛愚也樵蕪孺悠哉浪
蹟萍謬叨慙北事感激指南征颯颯春風座洋洋
夜雪閔淵泉昭靜澈喬嶽鬱葱菁吾道占元氣翹
勤頌祖庚

楊花十八韻

煦煦江洲上紛紛杜宇時日高隨處舞風好半天
吹彭澤粘書幌長亭罨酒卮浮生忽過隙狂性易
分岐迥去侵苔徑斜來入硯池溷清悲物態零落

惜春姿與世難為定乘空不可追閒情繞芳榭幽
夢隔重帷遠浦投應遍危樓度豈遲水紋輕點點
山影亂差差竄逐渾無蹟招尋詎有涯樹頭雲共
轉草際露俱縻有象真成幻無端縱所之漫云能
變化况迺擅高卑一任兒童戲還生旅客思襲隄
知雀飽綠沼覺魚嬉遽爾為萍草那堪折柳枝欲
持南國意遙寄北人知

擣練詞

今年八月秋風早樓蘭苦露霾秋草征夫萬里戍

七十二峯

東山

卷十六

他鄉幽陵異域音書杳朔風吹破燕支山夜月寒
碓練頻搗練兮欲作征夫衣愁緒曾將不下機竊
望夫心棄窮磧應如鴻雁向南飛聞夫自愛邊馬
肥願擊單于不肯歸安得驍如漢飛將提懸金印
返蘭閨蘭閨今夕花如霰含態含嬌夫不見怨殺
却倍碓散多血淚長於手中綫維燈夜夜見奴悲
維鏡朝朝識奴面閉門常自抱冰壺雙去雙來羨
飛燕東家有女玉容嬌嫁得長安夫壻豪霧縠水
紈不須擣繡窻雕戶樂長宵西隣女作田家婦麻

綌聊將布安素秋來不用動碓散夫婦登場戲含
哺離情奴獨苦相思腸斷征夫那得知驩愛願將
成比目百年常集鳳皇池

蓮塘曲

蓮塘膩汎花芳菲綠濕紅鮮菱刺肥玉簫一曲綠
霞動鷓鴣啞喋鴛鴦飛藕絲織吐冰紈縷柔腸織
得江雲機江雲裁作合歡被白馬金鞭郎不歸青
絲繫船卧花底麟帶蟬衫照江水蝶駐蜂喧情莫
窮恍惚瑤池夢魂裡少年郎是金貂人自愛繁華

桃李春長安十載事天子疊旗疊鼓乘朱輪江水
清清江月白悵望長安路南北倚權含情嬌欲嘖
恨水愁山總無極玉蠅牽月歸海宮影轉梧桐抱
瑤瑟瑤瑟散中舞獸詞世間那有人相識

采蓮曲

輕舟朝發襄陽城暮見若耶溪水清蘭釵垂鬢夢
初醒抱月拖烟花底行滄浪一曲墜紅粉錦袖繡
雲露華冷銀餅香動縠波紋珠簾月轉珊瑚枕翠
房空自苦心多無處獻君君若何嬾嫵娟獨媚

都的皜誰能憐翠娥臨流柔玉矜纖手歲歲花前
薦芳酒嬌容揜映鏡中花離魂搖蕩隄邊柳隄邊
柳長能繫船令人寂寞荷花天金箏不逐秦王好
自惜紅顏空少年

題伍相祠

胥江寒帶碧天流繞郭吞般恨未休蓋世有才空
舉鼎濟川無命不成舟魚龍共鬪濤中骨虎豹難
忘夢裡仇千載旅魂今夜月古祠空對荻花洲

虞山西門晚眺

獵獵淒風飛白雲張巡祠廟拜忠魂青山郭裡天
邊路紅樹鷗前水上村鱖鱠乍逢漁市艇松枝初
識酒家門烟霞不鎖磨崖石重認前朝鳥篆痕

鱖魚為市酒家門
插松枝皆始見也

閒居懷文休承

藜牀斐几對菴罌短髮秋風雪滿莖徹夜旅魂驚
雁影還家飛夢破礎榘詩囊聊自收時態藥裹難
將遣物情欲向停雲問竒字滿庭鷄雉墨華生

春日懷陸叔平支硎山隱居

春風郊野閉柴扃草色花香正滿庭黃鳥時窺高
士榻碧雲常護太玄經詞中日月羈天馬畫裡江
山老客星聞道釣磯堪繫舫半天高柳向人青

醜陸儀部子傳寫湖山圖并詩見贈

玉殿含香舊侍臣清風披拂彩毫新綠蘿月裡詞
情迥碧柳烟中道味真片紙江山還贈友一天風
雨獨懷人飄飄自許同舟楫笠澤滄波理釣綸

鍊墩

芳墩宵窳浮湖面鍊藥空傳千載前一水西來具

區濶三江東下海門連鏡中蕪草青烟動掌上桃花錦浪懸形勝頓殊塵事絕日長吾愛傍鷗眠

龜山釣臺

龜山釣臺白日幽烟波來往一扁舟落花鶯啼鏡天碧皦月鶴叫空山秋竿頭星斗三萬頃笛裡雲霞十二洲誰是客星能遯世一絲高卧子陵裘

山齋秋夜

洞庭秋清夜何寂蓬鬢蕭蕭楓葉村白雲滿几月在牖碧水浮堦花映門就中野况空詩草醉裡家

山污酒痕一曲無勞權乘興四愁聊爾賦招魂

家園芙蓉池對月獨酌

芙蓉脩沚月明秋露泣微波五色流蛺蝶不來殊悄悄鴛鴦相對故悠悠錦城媚濕嬋娟影金谷寒生窸窣愁夜半懷人還泛酒一棹清雁下滄洲

雨後石湖觀新漲

時裡苗長綠滿川一篙新水寺門前青蓮石濕孤峰雨白鷺波平一鏡天客權放謔臨水殿酒樓搖旆帶漁烟虛舟自笑渾無繫時有輕鷗到酒邊

癸亥元旦七十自壽

島嶼陽生花氣醒五更鐘鼓動春星柴門喜自逢
鷄旦栢酒憑誰頌鶴齡草長鹿茵林乍暖冰開魚
鑰水初腥已知樗櫟偏多壽春到山林葉更青

七袞賤旦社中諸君置酒虎邱山房為壽口

倡之

三月初六日

城西秀島多靈異舊是空王選佛場巖畔豈須求
石髓林間亦自有瓊漿歌翻錦浪桃花遠吟對春
風燕子忙擬作百年仙客社烟霞醕酌卧羲皇

天池山壽燕賦此以疇群公兼覬同陟喬齡

也
三月初八日

名山自昔多神仙千尺懸崖飛紫烟慧草曇花賁
瑤几雲腴石乳洽鷗絃僊源不媿尋羊夜佛國還
期引鶴年願掃綠蘿池上月與君同隱服青蓮

諸生稱鱣虎邱牡丹花下為余七十之祝感

而賦此
三月初十日

芬蓋香霧晝冥冥笑入松寮眼倍青花榭訝瞻天
女面瑤臺端候老人星鱗調海孺羞何遠茗掇雲

芽酒易醒春暖不妨還信宿一窓明月誦黃庭

牡丹

萬卉有花皆足玩獨憐瓊蘂倍芬芳却教桃李無
顏色遂使樓臺似洛陽半醉夢回脂黛暖一庭情
溢綺羅香春光不用嗟遲暮滿目穠華日正長

重陽後二日虎邱雲水閣偶成

欲從縹緲聽笙篴郭外青山訪灩休紅樹繫舟秋
水寺白雲沽酒夕陽樓山川隱几頻留目風露凭
欄任滿頭魚鳥傍人多樂事一溪菰米即滄洲

石湖晚眺

繞郭漣漪抱碧峰海門江國自相通鷗眠鐘裡孤
洲月木落帆邊一嶼風牛馬長嘶茶磨嶺魚龍騰
沫水晶宮綠簑漂泊烟波遠誰識漁郎是子同

塞上曲

騎軼天山迅雲翻鳥陣高歸來顏自老沙礫滿弓
刀

百勞鳥二首

掇蠡情不伸千載啼不徹見之心益悲
荷花與荷

葉
爰作履霜操澄波化為鳥不登父車鳴那能展懷
抱

芭蕉

風雨殺偏急米霜苦不禁年來未成布空自日抽

青樓怨

陌上風飄花入樓南山子規啼不休不識黃河無
轉日錯教春信付東流

田婦謠

棗花初落水生烟陌上黃梅雨正懸瓜蔓未牽秧
未蒔急春新麦了租錢

蠶婦吟二首

不整雲鬟出繡幃朝朝風露采桑歸春魂銷盡那
辭倦要與征夫作遠衣

玉繭初成檠葉稀柎絲風急柳花飛何緣縑得絲
如水先與君王織袞衣

太湖有感

伍員白骨淪長劍范蠡丹心託短篷萬古忠魂同
貫日敢於成敗說英雄

索文休承寫洞庭清樾圖

文公丹陽天下珍而我求之春復春願寫青螺生
鏡裡白雲中有賦詩人

張希甫

希甫字仲美

秋夜訪茅遠士

夜半移舟溪上宿籬月疎疎媚秋菊入門想見薜

蘿情枕上猶聞拍浪聲主人盡醉客不醒空庭露
下松枝吟

尋融公

萬松青數里涼意滿空林聽講能祛病安禪不費
吟風階翻竹影苔磴落花陰不問經年別芒鞋到
可尋

雨泊虎邱寄友

為別只旬日遙遙似隔年暫依雲外寺未斷雨中
船花市秋心淡楓天暝色鮮不知湖水上誰與對

寒烟

香花澗

泠泠澗底泉淡淡松間月泉月照幽花香風吹不
歌

西湖曲

花雨晴時黃鳥啼美人踏翠六橋西因思顏色如
春色日日留歡醉大堤

張正春

正春字季和楊灣人縣諸生

賦秋風

颯颯林間出新涼忽透幃鱸魚鄉思切團扇主恩
稀塞馬嘶偏急鞞鷹展恐違白雲何處起應逐九
重飛

梅夜

萬玉忽迷離前山暝色垂聞香心識暗臨月鳥生
疑水骨虛存影霜余冷壓枝清寒猶戀戀此趣酒
人知

別桂詩為朱德輿賦

清蔭團團幾廿春
栽成同自白頭人
堂前拜手如桑梓
月下吹香共主賓
豈有蘭舟須作楫
忍偕珠粒指為薪
當門見忌情恒爾
藉口吳剛媿不倫

題吳餘生半閣

閣雖名半勝全趨
抱膝安居若覆盂
耳目恰忘餘地窄
襟懷不受小窓拘
借來飛翠山千疊
補足幽清竹一隅
况是湖天寥廓處
白雲留得滿間無

徐侯山

西北洪濤天際收
一拳橫截界中流
山家得姓傳

高士水國分封紀
列侯若脩戶庭尊
莫里居然襟帶小
諸浮此中泛泛多
佳艇足給玄真物
外遊

張列

列字紫纏諸生

送僧之廬山

蕭寺禪空悟遠宗
虎溪石上問長松
匡廬曾讀東坡句
瀑布飛開五老峰



律